

ELEGIA BILIBALDI PIRCKEYMHERI

IN OBITUM ALBERTI DURERI.

Qui mihi tam multis fueras junctissimus annis
 Alberte, atque meæ maxima pars animæ,
 Quocum sermones poteram conferre suaves
 Tutus, & in fidum spargere verba sinum.
 Quur subito infelix mœrentem linquis amicum.
 Et celeri properas non rediture pede.
 Non caput optatum licuit, non tangere dextram,
 Ultima nec tristi dicere verba vale.
 Sed vix tradideras languentia membra grabato,
 Quum mors aecclerans te subito eripuit.
 Heu spes fallaces, & mens ignara malorum!
 Quam lapsu celeri cuncta repente cadunt.
 Omnia Durero dederat fortuna secunda
 Ingenium, formam, cum probitate fidem.
 Omnia sed rursus celeri motu abstulit ausu,
 Tollere sed laudes improba non valuit.
 Virtus namque manet Dureri, atque inclita fama,
 Splendebunt donec sidera clara polo.
 I decus, i nostræ non ultima gloria gentis,
 Ductore & CHRISTO regna superna pete.
 Illic non vano gaudebis semper honore,
 Pro meritis felix præmia digna ferens.
 Donec nos fragiles erramus mortis in umbra,
 Et miseri cymbalabimur instabili.
 At nos præservans aderit quum gratia CHRISTI
 Hoc duce felices ingrediemur iter.
 Interea mœsti lachrymas fundemus amico
 Nil quibus afflictis dulcius esse potest.
 Accedentque preces, summum placare tonantem
 Quæ possint, quicquam si pia vota valent.
 Et ne quid tumulto desit, spargemus odores,
 Narcissum, violas, lilia, ferra, rosas.
 Felix interea somno requiesce beato
 Dormit enim in CHRISTO, vir bonus, haud moritur.

Epitaphium ejusdem.

Albertus postquam pingendo ornaverat orbem,
Arteque tam lepida cuncta repleta forent.
Nunc restat cœlum, dixit, pingatur ut altum,
Mox terram relinquens sydera clara petit.

Aliud.

Ingenium, probitas, candor, prudentia, virtus,
Ars pietasque fides, hic tumultata jacent.

Aliud ab eodem.

Per lachrymas posset si vita Alberte reverti,
Non corpus vili hoc contegeretur humo.
Sed quia non lachrymis, nec flendo fata moventur,
Mœrendo tantum solvimus inferias.

M. Beatis S.

Memoriae Alberti Dureri, viri optimi, ac ætate sua pictoris ab-
solutissimi, qui non solum primus è Germanis picturam auxit,
illustravit, ac ad severiorem legem restrinxit, sed & literis poste-
ritati commendare cœpit, ob quam rem, præcipue vero mores
compositos, prudentiam ac modestiam singularem, Nurenber-
gensibus suis, imò exteris omnibus fuit charissimus, Divo vero
Maximiliano, ac nepoti ejus Carolo, Cæsaribus, nec non Ferdi-
nando Hungariæ ac Bohemiæ Regi, acceptissimus, qui illum an-
nuo largoque stipendio foverunt ac summo prosequuti sunt favo-
re. Obijt autem non sine magno amicorum desyderio. viij. idus
Aprilis. Anno M. D. XXviij. Ætatis vero suæ. lvij.

Bilbaldus Pirckeymberus
amico integerrimo. M.P.









